

Cietfwen Byafouz

□ Maj Veiyungz comz hoiz



Cietfwen Byafouz dwg aen ciet Bouxgun caeuq Bouxcuengh、Yauzcuz daengj siujsiq minzcuз Bazbu Gih Hocouh Si doengzcaeз gvaq haenx, hix dwg aen daiqbiuj denjhingz hawfwen vwnzva Gvangjsih ndeu. Cietfwen Byafouz baumiz song aen ciet: Geizbauq Miuhbyafouz ngoenz liggaeuq ndwenseiq ngeihloeg、cietfwen ngoenz liggaeuq ndwenngux cibgouj.

Cienznaeuz youq Dangzciuz, Cinz siucaiz, boux youqlaeng Mbanj Dayaz henz Byafouz haenx bae Gingsingz gaujsi, ranz de gungzhoj, boux vunz de hix cingqceig, aenvih mbouj nyienh oetcienz hawj gaujguen, gauj baenz geijlai baeз cungj gauj mbouj ndaej, doeklaeng de ndatheiq lai couh dauqma mbanjranz, youq Byafouz gag youq. De ciengzseiz youq henz dah epbya, caeuq dahlwg boux dwkbya doiqfwen, vih gyoengq beixnuengx cauhrux hix mbouj aeu ngaenz. De gvaqseiq le, gyoengqvunz youq gwnz Byafouz guh le Miuhcinz-vuengz、Daizepbya、Laeuzdoiqfwen ma geiqniemh de. Youq ngoenzseng caeuq ngoenzdai de, gyoengq beixnuengx cungj doxcomz youq Byafouz doiqfwen, yienghneix couh menhmenh bienqbaenz aen cietfwen hoengghwd ndeu lo.

Geizbauq Miuhbyafouz ngoenz ndwenseiq ngeihloeg, dwg vih le hoh ngoenzseng Cinzvuengz. Gij hozdung conzdungj miz: Duzyou Cinzvuengz youzhaw、eu fwen、foux lungz foux saeceij、Heiqmbaetcaз dangdieg daengj. Ngoenz gonq, gyoengqvunz sien cingj duzyou Cinzvuengz bae daengz Laeuzmuenghdah gonq, caiq eu gij fwen bonjdeih; eu sat le, couh ram duzyou Cinzvuengz daengz aen Miuhbaekfouj goengveigoз Lij Cing haenx bae, hawj songde gangigoj; ngoenz cietfwen banhaet caet diemj daengz gouj diemj, couh aeu cingj duzyou Lij Cing caeuq duzyou Cinzvuengz itheij bae cunzyouz,

gyoengqvunz ram duzyou songde sien hopngomx aen singz byaij baenz gvaengx le, cij bae Miuhcinzvuengz Byafouz guh cuengqcaeз; buiz sat le, couh hainduj foux lungz foux saeceij, roq laz hainduj yienjheiq, singfwen hix yiengj dwk mbouj dingz mbouj duenh. Ndwennux cibgouj hix dwg ngoenzdai Cinzvuengz, aenvih de lij lix seiz gig maij eu fwen, ndigah ngoenz haenx cawz caeqbaiq le, gyoengqvunz cungj dwg eu fwen lai, biujdap gij cingzeiq siengjniemh de.

Ngoenz cietfwen, henz dah dap baenz geij aen daizheiq, gyoengq canghfwen hwnj daiz bae beij byawz eu ndaej ndei, gij ciengzmienh gig nauhyied. Gyoengqde cungj dwg baenz aen mbanj baenz aen mbanj guh aen doih ndeu, boux eu ceiq ndei haenx guh boux daeuz he, boux miz gingniemh haenx hix youq baihlaeng caeuq ok cawjeiq ok geiqmaeuz. Gij hingzik yienjciengq miz lai cungj, ndawde suenq daizbeij eu fwen doxdax ceiq miz daegsaek, boux baij daizbeij haenx dwg bouxhingz baeз gaxgonq doxdax haenx. Gij fwen songde doiq ne hix dwg mbouj dingh, cungj dwg doq bien doq eu, ciengzseiz ngoenz ndeu eu sat, danghnaeuz sawhingz mbouj caengz



▲ Yienjheiq ndei yawj yinx vunzlai humxyawj.



▲ Ngoenz cietfwen vunz lai vunz daih.

◀ Cietfwen youq gwnz Byafouz hoengghwd hai-daiz.



▲ Lwgmbauq dabsau doiq-fwen haenqhwd.



▲ Saeceij caemh daeuj dem nauhyied.



▲ Doih yienjheiq daeuj dem angqyangz.



▲ Ngoenzciet ceiq ngamj lwgmbauq dabsau doxgyau.



▲ Ngoenzciet gizgiz doiq fwen haenq.



▲ Aenmiuh gaeuqgeq hoenzieng hoengh.



▲ Gij heiq ndei yawj cit riengz cit yienj mbouj dingz.